



Ulloq: 10. august 2025
Suliap normua: 2024-14747
Takussutissiaq: 3517169

Kalaallit Nunaanni erfalasoqarneq pillugu suliassa qarfiup malittarisassiuunneqarnera pillugu allakkiassamut missingiut

1. Aallaqqaasiut

Taamanikkut Naalakkersuisut siulittaasorisimasaata allakkatigut 25. september 2024-imi ullulernerqarsimasutigut erfalasoqarneq pillugu suliassa qarfiup tiguneqarnissaa pillugu noqqaassut saaffiginnissutigisimavaa. Allagaq ilanngussatut ilanngunneqarpoq. Noqqaassut e-mailikkut 26. maj 2025 ullulernerqarsimasutigut massakkut Naalakkersuisunit aalajangiusimaneqarpoq.

Tamanna tunngavigalugu – aamma Naalakkersuisut Siulittaasuata Naalakkersuisoqarfiata isumaqatigiissuteqarfigineqarnerata oqaloqatigineqarneratalu kingorna – allakkiaq manna Inatsiseqarnermut ministereqarfiup suliarisimavaa aamma suliassa qarfimmut inatsisiliorderit attuumassuteqartut suussusersisimallugit.

Aallaqqaasiutigalugu Kalaallit Nunaanni Namminersorneq pillugu inatsit (matuma kingorna namminersorneq pillugu inatsit) malillugu namminersorlutik oqartussat erfalasoqarneq pillugu suliassa qarfimmik tigusinissaannut killiliussat imm. 2-p ataani allaaserineqarput. Tamatuma kingorna erfalasoqarneq pillugu suliassa qarfimmi malittarisassiuineq imm. 3-mi nassuiarneqarpoq, matumani massakkuugallartoq inatsisit allaffissornikkullu peqqussutit massakkut Kalaallit Nunaannut atuuttut ilanngullugit.

Slotsholmsgade 10
1216 København K.

T +45 7226 8400

www.justitsministeriet.dk
jm@jm.dk

2. Suliassaqarfinnik tigusinermut Namminersorneq pillugu inatsimmi malittarisassat

Namminersorneq pillugu inatsimmi § 2, imm. 1 malillugu suliassa qarfiit, inatsimmut ilanngussami takuneqarsinnaasut, namminersorlutik oqartussanut nuunneqarsinnaasut Kalaallit Nunaanni Namminersorlutik Oqartussat aalajangersinnaavaat. Suliassa qarfiit, inatsimmut ilanngussami allattuiffik I-mi takuneqarsinnaasut, inatsimmi § 3, imm. 1 malillugu piffissani, namminersorlutik oqartussanit aalajangerneqartuni, Kalaallit Nunaanni Namminersorlutik Oqartussanut nuunneqassapput. Suliassa qarfiit, ilanngussami allattuiffik II-mi takuneqarsinnaasut, inatsimmi § 3, imm. 2 malillugu piffissani, naalagaaffimmi oqartussaasut isumaqatigiinni arfigineqarnerisa kingorna namminersorlutik oqartussanit aalajangerneqartuni, Kalaallit Nunaanni Namminersorlutik Oqartussanut nuunneqassapput.

Suliassa qarfiit, Kalaallit Nunaannuinnatq tunngasut, ilanngussamili taaneqanngitsut, Kalaallit Nunaanni Namminersorlutik Oqartussanit tiguneqarsinnaasut, Naalakkersuisut Danmarkimilu naalakkersuisut isumaqatigiissutigisinnaagaat, namminersorneq pillugu inatsimmi § 4-mi takuneqarsinnaavoq.

Erfalasoqarneq pillugu suliassa qarfik inatsimmut ilanngussami suliassa qarfitut allanneqarsimanngilaq. Qallunaat erfalasuata (imaappoq Dannebrogip) atorneqarnera eqqarsaatigalugu malittarisassanik atulersitsineq allaffissornerlu naalagaaffimmi oqartussaasunit suliassaasutut isigineqartariaqartoq, namminersorneq pillugu inatsimmut oqaaseqaatit malitsigaat, tamanna pillugu imm. 3-p ataani erseqqinnerusumik allaaserinninneq takuuk. Erfalasoqarneq pillugu suliassa qarfiup ilai allat, taakku kalaallinit suliassaasutut taamaallaat isigineqarpata – tamanna pereersimanngippat – namminersorneq pillugu inatsimmi § 4 malillugu Naalakkersuisut qallunaallu naalakkersuisuisa isumaqatigiissuteqarnerisa kingorna tiguneqarsinnaapput.

Kalaallit Nunaanni Namminersornerullutik Oqartussat pillugit inatsimmi (matuma kingorna namminersornerullutik oqartussat pillugit inatsimmi) § 7, imm. 1 malillugu, namminersornerullutik oqartussat isumaqatigiinni arfigereerlugit aamma tapersiisereerlugit, suliassa qarfiit ilanngussami taaneqarsimanngitsut, § 4, imm. 2-mi aamma 4-mi malittarisassat malillugit imaluunniit § 5-mi malittarisassat malillugit namminersornerullutik oqartussanut nuunneqassasut, inatsisiliornikkut

naalagaaffimmi oqartussaasut aalajangersinnaavaat. Imm. 1 malillugu suliassa qarfiit suut namminersornerullutik oqartussanut nuunneqarnissaat pillugit aalajangiineq, naalagaaffeqatigiinnermut mianerisassat, aamma namminersornerullutik oqartussat suliassa qarfinnut, inatsimmi § 7, imm. 2 malillugu Kalaallit Nunaanni pissutsinut immikkut ittumik attuisunut annertuumik sunniuteqarnissaat aallaavigalugit, aalajangerneqassaaq.

Aalajangersakkap imm. 1 malillugu suliassa qarfinnut nuunneqartunut, namminersornerullutik oqartussat inatsisiliortuussasut aamma allaffissornikkut oqartussaasuussasut, aamma taakkununga atasumik aningaasartuutit tigussagaat, namminersornerullutik oqartussat pillugit inatsimmi § 4, imm. 2-mi takuneqarsinnaavoq. Suliassa qarfinnut taakkununga malitassat inatsisartunit akuersissutigineqartut aamma inatsisartut siulittaasuannit atortussanngortinneqartut, inatsisartut inatsisaattut taaneqassasut, aammattaaq inatsimmi § 4, imm. 4-mi takuneqarsinnaavoq.

Namminersornerullutik oqartussat pillugit inatsimmi § 4 malillugu suliassa qarfiit tiguneqareersimasut iluanni Kalaallit Nunaanni Namminersorlulik Oqartussat tigusatik pillugit inatsisiliortutut atuutsitsinissamullu pissaaneqartut, namminersorneq pillugu inatsimmi § 23, imm. 3-p malitsigaa. Tamanna ilaatigut kalaallit erfalasuat, ataani imm. 3.2. malillugu namminersornerullutik oqartussanit 1985-imi tiguneqartoq, pillugu malittarisassat aalajangersarneqarnerannut pingaaruteqarpoq.

Namminersorlulik oqartussat suliassa qarfimmik tigusippata, namminersorneq pillugu inatsimmi § 1 malillugu, namminersorlulik oqartussat inatsisiliortutut atuutsitsinissamullu pissaaneqarput, aamma § 6, imm. 1 malillugu piffissamit tigusiffimminnit suliassa qarfik namminersorlulik oqartussat aningaasalersussavaat. Tamatuma peqatigisaanik suliassa qarfimmut qallunaat ministeriata akisussaaffia atorunnaassaaq.

Suliassa qarfimmut inatsisitigut malitassat atuuttut, namminersorlulik oqartussat suliassa qarfimmut malittarisassanik aalajangersaanissamut periarfissamik atuisimatinnagit, namminersorlulik oqartussanit tiguneqartut, Kalaallit Nunaanni suli atuupput. Tamanna namminersorneq pillugu inatsimmi § 28-p malitsigaa.

3. Erfalasoqarneq pillugu suliassaqarfimmut malittarisassiuineq pillugu ataatsimut isiginninneq

Tulliuttuni erfalasoqarneq pillugu suliassaqarfimmut malittarisassiuussineq nassuiaatigineqarpoq, matumani inatsisit allaffissornikkullu malitassat massakkuugallartoq Kalaallit Nunaanni atuutsinneqartut ilanngullugit.

3.1. Dannebrog

Danmarkip Naalagaaffiata nunatut erfalasua tassaasoq Dannebrog, erfalasulertarneq pillugu inatsimmi nr. 1449-imi, 10. december 2024-imeersumi § 1, imm. 1-p malitsigaa.

Ukiut hunnorujut sinnerlugit sulisaatsip ingerlanerani Dannebrog, nunap iluani aamma nunani allani, Danmarkip Naalagaaffiata nunap erfalasuutut inissisimasimavoq. Naalagaaffiup erfalasuutut nunap erfalasua Dannebrog tassaavoq qallunaat naalagaaffianni tamarmi naalagaaffeqatigiinnermut ataatsimoorussamik ilisarnaataasoq, taannalu qallunaat naalagaaffimmi iluani, naleqartitani pillugit innuttaasunullu naalakkersuisinnaatitaanera pillugu suliassaqarfimmut ilisarnaataavoq, taamaammallu Dannebrog naalagaaffimmi oqartussaasunit il.il. erfalasorineqarpoq, matumani Naalagaaffeqatigiinnerup tamarmiusup iluani naalagaaffiup oqartussaasuinit atorneqarnera ilanngullugu.

Dannebrogip erfalasutut issoqqaarissutut aamma erfalasutut akulaasalittut erfalasuunera aalajangersakkami ilaatinneqarput. Dannebrogip erfalasutut issoqqaarissutut erfalasuunera suli nunap erfalasutut isigineqarmat, illuatungaani erfalasutut akulaasalittut erfalasuunera naalagaaffiup erfalasuutut isigineqarmat, tassunga atatillugu maluginiarneqassaaq. Tassunga atatillugu Dannebrog erfalasutut issoqqaarissutut aamma erfalasutut akulaasalittut Danmarkip Naalagaaffiani nunap erfalasuutut taamaattoq isigineqarput.

Dannebrog erfalasutut akulaasalittut Kunngikkormiunit, Folketingimit, eqqartuussivinnit aamma naalagaaffiup oqartussaasuinit kiisalu sullissivinnit il.il. taamaaliornissamut immikkut ittumik akuersissummik peqartunit, erfalasorineqartoq, inatsimmi § 1, imm. 2-mi takuneqarsinnaavoq.

Naalagaaffimmut- aamma inatsit tunngaviusoq malillugu aqqissuussinernut tunngasumik suliassat, inatsisip tunngaviusup killissarititaasa iluanni Kalaallit Nunaanni Namminersorlutik Oqartussanut

tunniunneqarsinnaanngitsut, Folketingstidende 2008-09, ilanngussaq A, qupperneq 4121 (inatsisissatut siunnersuut nr. L 128, 5. februar 2009-imeersaq, nalinginnaasumik oqaaseqaatit, imm. 4.5), malillugu namminersorneq pillugu inatsimmut oqaaseqaatit malitsigaat.

Kunngearfiup ilisarnaatai pillugit apeqqutit – naalagaaffimmut tamarmut ataatsimoorussaasut – Kalaallit Nunaanni Namminersorlutik Oqartussanut piginnaasaqarnermik tunniussinissamik periarfissiinani, naalagaaffimmi oqartussaasut ataaniittut, aamma taamaammat Kalaallit Nunaanni qallunaat erfalasua (imaappoq Dannebrogip) atornerqarnera aamma naalagaaffiup ilisarnaqutaa eqqarsaatigalugit malittarisassanik atulersitsinissaq aamma allaffissorneq naalagaaffimmi oqartussaasunit suliasatut isigineqassasoq, tamatum a ilaatigut kingunerigaa, aammattaaq takuneqarsinnaavoq. Folketingstidende 2008-09, ilanngussaq A, qupperneq 4178 (inatsisissatut siunnersuut nr. L 128, 5. februar 2009-imeersaq, nalinginnaasumik oqaaseqaatit, imm. 4.5.1), aamma Kalaallit Nunaanni namminersorneq pillugu namminersorneq pillugu isumalioqatigiissitat isumaliutissiissutaanni qupperneq 262 innersuussutigineqarput.

Kalaallit immikkut erfalasuat pillugu inatsimmi nr. 222-imi, 6. juni 1985-imeersumi § 3, imm. 1 malillugu Kalaallit Nunaanni naalagaaffiup oqartussaasuia Dannebrog atussavaat. Inatsimmi § 3, imm. 2 malillugu nunami namminersortut Dannebrog atorsinnaavaat. Umiarsuit, Kalaallit Nunaanni angerlarsimaffeqartutut nalunaarsorneqarsimasut, taamaattoq Kalaallit Nunaata erfalasua pillugu Inatsisartut inatsisaanni nr. 6-imi, 11. juni 1985-imeersumi § 4, imm. 1 malillugu, nunap erfalasuatut kalaallit erfalasuaannik erfalasoqassapput. § 4, imm. 3 malillugu naalagaaffimmi oqartussaasut umiarsuaannut aalajangersagaq atuutinngilaq.

3.2. Erfalasorput (Kalaallit Nunaata erfalasua)

Kalaallit immikkut erfalasuat akuerineqassasoq, Kalaallit immikkut erfalasuat pillugu inatsimmi nr. 222-imi, 6. juni 1985-imeersumi § 1, imm. 1-ikkut aalajangerneqarpoq. Inatsimmi § 1, imm. 2 malillugu erfalasup qanoq ittuunera kunngip peqqussutaatigut aalajangerneqassaaq.

Folketingstidende 1984-85, ilanngussaq A, sp. 4584 malillugu, Kalaallit Nunaannut ministeri – inatsisip naammassineqarnerata kingorna – Kalaallit Nunaanni Inatsisartut (Inatsisartut) piumasaqarnerat naapertorlugu, erfalasup ilusilersorneqarnissaa pillugu dronningimut innersuussuteqassasoq, inatsimmi § 1, imm. 2-mut oqaaseqaatini

takuneqarsinnaavoq. Taamaalilluni kalaallit immikkut erfalasuut pillugu inatsimmi nr. 222-imi, 6. juni 1985-imeersumi § 1, imm. 1-mut atatillugu aalajangersagaq isigineqassaaq, tassanilu kalaallit erfalasuata ilusilersorneqarnera Kalaallit Nunaanni Inatsisartut (Inatsisartut) piimasaqarnerat naapertorlugu, kunngip peqqussutaatigut aalajangersarneqassasoq takuneqarsinnaavoq.

Ataqqinartorsuup Dronningip, taamanikkut Kalaallit Nunaannut ministeriusup innersuussuteqarnerata kingorna, kalaallit immikkut erfalasuut ulloq 6. juni 1985 inatsisip piffissami atuutilerfiani akuersissutigineqartoq, Kalaallit Nunaanni Inatsisartut akuersissuteqarnerisigut ima ilusilersorneqassasoq, Kalaallit immikkut erfalasuata akuerineqarneranik nalunaarutip nr. 305-p, 24. juni 1985-imeersup malitsigaa:

»Kalaallit erfalasuut sanimut qaqortumit aappaluttumillu avitaavoq paarlattuunik qalipaatilimmik ammallorissortaqarluni erfalasuulermittut qaninnerusumik. Ammallorissup qeqqanit erfalasuup annoraaminertaata qummut aamma ammut sinaanut ungasissuseq tassaavoq raadiuse 1,5 (ammallorissup raadiusia), erfalasuup annoraaminertaata sinaanut erfalasuulermittut tulliusumut tassaalluni raadiuse 1,75 taavalui erfalasuup annoraaminertaata maaniinnarmiittup sinaata tungaanut tassaalluni raadiuse 2,7025.«

Kalaallit immikkut erfalasuut pillugu inatsimmi § 2 malillugu, inatsisartut inatsisaatigut kalaallit immikkut erfalasuata Kalaallit Nunaanni umiarsuarnilu, Kalaallit Nunaanni angerlarsimaffeqartutut nalunaarsorneqartuni, atorineqarnissaa pillugu malittarisassanik, Kalaallit Nunaanni Namminersornerullutik Oqartussat aalajangersaassapput. Folketingstidende 1984-85, ilanngussaq A, sp. 4583 malillugu, Kalaallit Nunaanni Namminersornerullutik Oqartussat pillugit inatsimmi § 4 malillugu, § 7-imi aalajangersagaq malillugu tamanna pillugu malittarisassanik aalajangersaasinnaanermut piginnaasaqarneq namminersornerullutik oqartussanut nuunneqassasoq, taamaalilluni inatsimmut oqaaseqaatini takuneqarsinnaavoq. Kalaallit erfalasuata atorineqarnissaa pillugu malittarisassat aalajangersarneqarnissaannut piginnaasaqarneq, Kalaallit immikkut erfalasuut pillugu inatsimmi nr. 6-imi, 11. juni 1985-imeersumi atorluarneqarpoq.

Kalaallit immikkut erfalasuut pillugu inatsimmi § 4 malillugu, pisuni ataasiakkaani immikkut akuersissummik peqarani kalaallit erfalasuut

naalagaaffiup sinnerani atorneqarsinnaavoq. Kalaallit erfalasuada aamma naalagaaffiup sinnerani atorneqarsinnaanera aalajangersakkap kinguneraa, soorlu aamma savalimmiormiut immikkut erfalasuada akuersissutigineqarnissaa pillugu nalunaarut nr. 373, 27. august 1948-imeersoq, nalunaarutikkut nr. 198-ikkut, 9. juni 1959-imeersukkut allanngortinneqartoq malillugu, savalimmiormiut immikkut erfalasuanut (Merkið-imut) aamma taamaattoqartoq.

3.3. Nunat allat erfalasui

Nunat allat nunatut erfalasuinik aamma sumiiffiit erfalasuinik kiisalu, erfalasunik taakkununga naligiissinneqartunik erfalasulernissamut ullumikkut Kalaallit Nunaanni inerteqquteqanngilaq.

Amerikamiut erfalasuanik (Stars and Stripes-imik) erfalasulersimaneq pillugu suliami Eqqartuussiviit Qullersaata eqqartuussut (suliaq 3/2023, Ugeskrift for Retsvæsen 2023, qupperneq 3976-imi saqqummersinneqartoq) ulloq 22. juni 2023 eqqartuussutigaa. Piumasaqaatit, erfalasulernissamut inerteqquteqarnertut ilusillit ullumikkut akuliunnissamut piumasaqaatigineqartut innersuussutigalugit, Nunat allat nunatut erfalasuinik atuinissamik inerteqquteqarneq pillugu nalunaarut nr. 103, 10. april 1915-imeersoq (erfalasut pillugit nalunaarut) taamanikkut atuuttoq, aamma taamatuttaaq Kalaallit Nunaannut atuussimasoq, amerikamiut erfalasuanik erfalasulernissamut inerteqquteqarnissamut pisariaqartinneqartumik periarfissaliisummik tunngaviliinngitsoq, Eqqartuussiviit Qullersaat tassunga atatillugu isumaqarsimavoq.

Eqqartuussutip malitsigisaanik nunat allat nunatut erfalasuinik erfalasulertarneq pillugu nalunaarutip atorunnaarsinneqarnissaa pillugu nalunaarut nr. 881, 22. juni 2023-imeersoq Inatsiseqarnermut ministereqarfiup ulloq taanna atulersippaa, taassumalu pisortatigoortumik Nunat allat nunatut erfalasuisa atorneqarnissaannut inerteqquteqarneq pillugu nalunaarut nr. 103, 10. april 1915-imeersoq, nunat avannarliit allat erfalasuinik erfalasulersinnaaneq pillugu nalunaarut nr. 262, 30. oktober 1957-imeersoq aamma europamiut erfalasuinik erfalasulersinnaaneq pillugu nalunaarut nr. 679, 20. oktober 1989-imeersoq atorunnaarsippai. Tamatuma saniatigut tamatuma kingorna kaajallaasitat arlallit allakkiarlu ataaseq atorunnaarsinneqarput.

Eqqartuussiviit Qullersaata eqqartuussutaatigut 22. juni 2023-imeersukkut, nalunaarutit taakku pingasut, Danmarkimut aamma Kalaallit Nunaannut

piviusumik atorunnaarsinneqarput. Taamaalilluni Eqqartuussiviit Qullersaata eqqartuussutaata kingorna, nunat allat nunatut erfalasuinik aamma sumiiffinni erfalasunik kiisalu erfalasunik taakkununga naligiissinneqartunik erfalasulernissamik inerteqquteqartunik, Kalaallit Nunaanni malittarisassaqaarunnaarsimavoq.

Danmarkimut tunngatillugu, erfalasulertarneq pillugu inatsit nr. 1449, 10. december 2024-imeersoq Folketingip ulloq 3. december 2024 akuersissutigaa. Ullormit 1. januar 2025 – annikitsuinnaat pinnagit – innuttaasunut, suliffeqarfinnut aamma sullissivinnut il.il. nunat allat nunatut erfalasuinik aamma sumiiffinni erfalasunik kiisalu erfalasunik taakkununga naligiissinneqartunik erfalasulernissaq inerteqqutaasoq aamma pillarneqaataasussaasoq, erfalasulertarneq pillugu malittarisassat nutaat kinguneraat. Inerteqquteqarnermi ilaatigut kalaallit erfalasuat ilaatinneqanngilaq. Inatsit Kalaallit Nunaannut atuutinngilaq aamma Naalakkersuisut kissaateqarnerat malillugu peqqussutikkut atuutilersinneqarsinnaanngilaq.

Erfalasut erseqqinnerusumik aalajangersaaffigineqartut inatsimmi inerteqquteqarnermi ilaatinneqannginneri pillugit, inatsiseqarnermut ministeri malittarisassanik aalajangersaasinnaasoq, erfalasulertarneq pillugu inatsimmi § 4-p malitsigaa. Inatsisip atuutilersinneqarnerata kingorna erfalasut ilaannik erfalasulernissap inerteqqutaannginnissaa pillugu, soorlu assersuutigalugu Eqqartuussiviit Qullersaata eqqartuussutaa sioqqullugu malittarisassat atuuttuut malillugit, ukrainimiut erfalasuannik erfalasulerneq pisimasoq, inatsiseqarnermut ministeri taamaalilluni malittarisassanik aalajangersaasinnaassaaq. Aammattaaq politiit pisuni immikkut ittuni akuersissummik nalunaaruteqarsinnaasut, matumani inatsimmi inerteqquteqarnermi erfalasunik ilaatinneqartunik erfalasulernissamut piumasaqaatinik aalajangiinerit ilanngullugit, inatsimmi § 5-ip malitsigaa.

Kunngip peqqussutaa 21. december 1833-imeersoq, naalagaaffimmi qitiusumik ingerlatsivimmit kaajallaasitakkut 7. januar 1834-imeersukkut nalunaarutigineqartoq, aamma kunngip peqqussutaa 7. juli 1854-imeersoq, kaajallaasitakkut 2. august 1854-imeersukkut nalunaarutigineqartoq, Kalaallit Nunaannut suli atuummata, maluginiarneqassaaq. Nunat allat erfalasuinik erfalasulerneq pineqartillugu kunngip peqqussutaasa taakku marluk imaat, taamaattoq Eqqartuussiviit Qullersaata eqqartuussutaata 22. juni 2023-imeersup malitsigisaanik atorunnaarsinneqarput.